

Mes gouzout eo a ran, an amission so bras,
Hennes so eur pec'hed, ha ne quitaît que c'hoas,
E touez ar gueren, memeus ar re dosta,
A ve un amission, a vechou ar goassa.

Ar zon-mâ zo savet, certen hac a zo guir,
Zo savet d'eun den yaouanc, nal quel caout e zezir,
Abalamour d'an dud, gant ho amission,
So o ampech anean, nac ebars er c'hanton.

Marteze lod a c'hoarso, voar sujet ar son neve,
C'hoarziñt ar pezh a garfont, ne rin quet a boan dime,
Lod a ve o c'hoarsin, na voar o soutoni,
A bed all oc'h ober goab, anezo e mon in.

Ma clefe ar Roue, quelou eus ar plac'h-se,
A zeufe da Vriec, gantan eur messenger,
Da brononç ar c'helou, enap ar plac'h yaouanq,
Eviñ ma tisabus, quement en deus dei c'hoant.

Adieu mezelour caër, adieu tremen amzer,
Mont a ran da Ouengamp, en eun desert a gaer,

Me ma losq d'ar goal deot, yern quet piou a zisput,
Ma c'halonic a ran, ar goal deot ra vo mud.

Mar fel dec'h gout ha clêvet gant piou er son-man gret,
Gant eur paysant yaouanc, eus a baros Briec,
Gant eur paysant yaouanc, eus a draon ar bares,
Hennes en deus-hi-savet, goude coan un nosves.

Mes ma zo unan bennac, bars er gompagnunes,
Hac en defe desir da c'hout piou eo henes,
Eo eur paysant yaouanc, eus a draon ar cresquer,
Mar fel d'oc'h gout piou eo, c'houi c'halvo an eo PER.

Assa compagnunez, excus a c'houlennan,
Ma n'en deo quet grêt ervad ar chanson-man;
Me so eun den yaouanc, ne meus quet a speret,
Difaïet ac'hanon, elec'h ma zon faïet.

Clevet a ret breman, cetu a nei ar fin,
C'houi a lezo anei, me ne ouzoc'h quet quin,
A nep a gavo dean, n'en dè quet doneat,
A gomposo un all, hac a vo agreap.

CHANSON AN DURZUNEL

Calz amzer a meus collet
O furchal ar c'hoajou,
Vit surpren eun durzunel
Consquet var ar bracon.
Dêvet a meus va amors,
A tennet e meus fall.
Achapet an durzunel
A nijet er c'hoad all (bis).

Dious an nos hac ar mitin,
O clêvet lapoucet
O cana o fredonin,
Da veq ar goue pignet.
Na neus nicun anezo
Hac a biq va c'halon,
Evel mouez eun durzunel
O vouela d'e mignon.

Hirvoudi a ra nos de
Gant ar boan, ar glac'har,
Evel eun intanves paour
Collet ganti e far.
Na neus nicun anezo
Hac a biq ma c'halon,
Evel mouez an durzunel
O vouela d'e mignon.

Petra, durzunel yaouanq,
A dourmant da galon?
« Collet a meus, emezi,
Va fidella mignon.

Ma na zeu eur chasseur
Da ober din mervel,
Me varvo gant ar glac'har
Da va mignon fidel.

« Neus na souten, na remet,
Na consolation
Capabl da zon da galmin
Tourmanhou va c'halon.
Trec'het ouñ gant ar glac'har,
Mont a ran da vervel,
Mes ne varvin quet contant,
Ma na varvan fidel. »

Guelet a meus o vervel
An durzunel yaouanq,
Dizec'het eo ma c'halon
Gant ar boan an tourmant.
En e huanad diveza
En deus c'hoas repetet
« A va mignon fidel, »
Ractal eo tremenet.

Mezelour scler a brillant
Demeus ar fidelite,
Ar model ar sincera
Demeus ar garante.
Nan, ne varvin quet contant
Ma na varvan fidel,
Birviquen na zizonjin
Maro an durzunel.